



Broj: 01-11-2-1255/25-8
Konjic, 13.05.2025. godine

Na osnovu člana 64. stav 1. tačka b) i člana 70. stav (1), (3) i (6) Zakona o javnim nabavkama ("Službeni glasnik BiH" broj: 39/14, 59/22 i 50/24), Preporuke komisije broj: 10-11-2-1255/25-6 od 13.05.2025. godine, u postupku javne nabavke "Izrada čeličnih stubova za sportsku reflektorsku rasvjetu na Gradskom stadionu u Konjicu", a u skladu sa članom 38. Statuta Grada Konjica ("Službeni glasnik Grada Konjica" broj: 10/22) gradonačelnik donosi

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za nabavku, broj: 10-11-2-1255/25-6 od 13.05.2025. godine i ugovor za javnu nabavku radova **"Izrada čeličnih stubova za sportsku reflektorsku rasvjetu na Gradskom stadionu u Konjicu"** dodjeljuje se ponuđaču **NEXEN d.o.o. Banja Luka**, ul. Kozarska br. 61b, 78000 Banja Luka, ponuda broj: NXN-155/25 od 24.04.2025. godine, za ponuđenu cijenu, ostvarenu na e-aukciji, u iznosu od **419.900,00 KM** bez PDV-a, odnosno 491.283,00 sa PDV-om kao najpovoljnijem ponuđaču.

Član 2.

Izabrani ponuđač dužan je dostaviti dokaze o kvalifikovanosti u skladu sa tačkom 12. (lična sposobnost) Tenderske dokumentacije, u roku od pet dana od dana prijema ove Odluke.

Član 3.

Za izvršenje ove Odluke zadužuje se Služba za zajedničke, stručne i inspeksijske poslove poslove.

Član 4.

Ova odluka objaviće se na web – stranici ugovornog organa: www.konjic.ba, u skladu s članom 70. stav (6) Zakona, istovremeno s upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-11-2-1255/25-1 od 24.03.2025. godine.

Javna nabavka je sprovedena putem otvorenog postupka.

Procijenjena vrijednost javne nabavke bez PDV-a je 491.000,00 KM.

Gradonačelnik je Odlukom o imenovanju komisije broj: 01-11-2-1255/25-2 od 25.03.2025. godine, imenovao Komisiju za javnu nabavku i zamjenske članove za nabavku radova: „Izrada čeličnih stubova za sportsku reflektorsku rasvjetu na Gradskom stadionu u Konjicu“.

Na osnovu obavještenja o nabavci broj: 637-1-3-57-3-43/25 objavljenog na Portalu javnih nabavki dana 26.03.2025. godine, Ispravke za obavještenje o nabavci broj: 637-1-3-57-8-47/25 od 04.04.2025. godine i tenderske dokumentacije, putem otvorenog postupka, izvršeno je prikupljanje, analiza i ocjena podnesenih ponuda za nabavku predmetnih radova.

Javno otvaranje ponuda izvršeno je 24.04.2025. godine, u sjedištu ugovornog organa (Maršala Tita br. 62, Konjic), što je i konstatovano Zapisnikom o otvaranju ponuda, br. 10-11-2-1255/24-4.

Komisija je blagovremeno i pravilno izvršila otvaranje i ocjenu pristiglih ponuda o čemu je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda: 2 (dva);
Pristigle su ponude sljedećih ponuđača:
 - 1) NEXEN d.o.o. Banja Luka, ul. Kozarska 61b, 78000 Banja Luka,
 - 2) AMITEA d.o.o. Mostar, ul. Bišće polje bb, 88000 Mostar,
- da su blagovremeno zaprimljene sve ponuda,
- da je broj neblagovremeno zaprimljenih ponuda; 0 (nula),
- da su ponude ponuđača NEXEN d.o.o. Banja Luka i AMITEA d.o.o. Mostar, prihvatljive, dostavljeni su svi traženi dokumenti u skladu sa zahtjevima iz tenderske dokumentacije,
- da neprihvatljivih i nepravilnih ponuda nije bilo.

Nakon izvršene ocjene ponuda ponuđača koji su dostavili kompletnu ponudu, a prije zakazivanja e-aukcije, u skladu sa predmetnom TD, Komisija je rangirala prihvatljive ponude u skladu sa kriterijem definisanim u tački 22. TD – najniža cijena ponude:

R.b.	PONUĐAČ	NAJNIŽA CIJENA TEHNIČKI PRIHVATLJIVE PONUDE (sa popustom i bez PDV-a)
1.	AMITEA d.o.o. Mostar	490.990,00 KM
2.	NEXEN d.o.o. Banja Luka	491.000,00 KM

Komisija je, nakon analize prihvatljivih ponuda, zakazala e-aukciju za dan 12.05.2025. godine u 09:00 sati, te istu provela u skladu sa uslovima iz tenderske dokumentacije kojom je predviđeno održavanje e-Aukcije i Pravilnikom o uslovima i načinu korištenja e-Aukcije („Službeni glasnik BiH“, broj: 80/23). E-Aukcija je provedena putem sistema e-Nabavke na web stranici www.ejn.gov.ba.

Po okončanju e-Aukcija, koja je trajala od 09:00 do 09:42 sati (Izvještaj o toku i završetku e-Aukcije u prilogu), Komisija daje tabelarni pregled prihvatljivih ponuda ponuđača kako slijedi:

R.b.	PONUĐAČ	NAJNIŽA CIJENA TEHNIČKI PRIHVATLJIVE PONUDE (sa popustom i bez PDV-a)
1	NEXEN d.o.o. Banja Luka	419.900,00 KM
2	AMITEA d.o.o. Mostar	420.000,00 KM

Na osnovu provedene procedure javne nabavke i ocjene kvalificiranih ponuđača, ponuđenih uslova, cijena, te priložene dokumentacije i primjenjenih kriterija koje je ugovorni organ odredio u tenderskoj dokumentaciji, Komisija je jednoglasno utvrdila da je najnižu cijenu tehnički zadovoljavajuće ponude ponudio ponuđač NEXEN d.o.o. Banja Luka, na osnovu čega je jednoglasno dala Preporuku rukovodiocu ugovornog organa broj: 10-11-2-1255/25-6 od 13.05.2025. godine, da se ugovor za javnu nabavku radova “Izrada čeličnih stubova za sportsku reflektorsku rasvjetu na Gradskom stadionu u Konjicu” dodijeli ponuđaču NEXEN d.o.o. Banja Luka, za ponuđenu cijenu, ostvarenu na e-aukciji, u iznosu od 419.900,00 KM bez PDV-a.

U postupku donošenja ove Odluke, posebno su cijenjene činjenice da je Komisija za nabavku, pravilno i potpuno, izvršila ocjenu kvalifikovanosti ponuđača i pregled i ocjenu ponuda, u skladu sa kriterijima iz tenderske dokumentacije.

Prilikom ocjene provedenog postupka, uvidom u dokumentaciju, rukovodilac ugovornog organa nije našao razloge nepravilnosti, niti propuste u radu koji bi eventualno bili osnov za neprihvatanje preporuke komisije.

Naime, u postupku je ocijenjeno da je Komisija u svemu pravilno postupila, i da je izbor ponuđača izvršen u skladu sa Zakonom o javnim nabavkama BiH, podzakonskim aktima, tenderskom dokumentacijom i ponudom izabranog ponuđača.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od deset dana od dana prijema ove odluke.

Pripremio: Elvir Nuhić

Kontrolisao: Nedžad Ramić

Dostaviti:

1. Gradonačelniku,
2. Ponuđačima,
3. Službi za prostorno uređenje, građenje, zaštitu okoline i komunalne poslove,
4. Službi za ekonomsko-finansijske i pravne poslove,
5. Službi za zajedničke, stručne i inspeksijske poslove,
6. A/a

